

看痘臨証歌訣

一看天庭及太陽。二看口吻舌尖方。三看諸陽梁下。
四看週身八卦方。仔細搜尋依穴斷。神仙妙道果非常。
天庭太陽要明亮。此痘縱變亦無妨。三部痘疹俱慘暗。
十個孩兒九個亡。喉吻之中有痘多。若多黑陷死來磨。
飲食錯喉如水族。七朝端的夢南柯。面上高處是諸陽。
痘出紅黃少者良。若觀鋪毡蚕種樣。如何保得命延長。
舌尖一穴受心經。痘毒攻多紫血淋。若有黑疔白黃現。
此兒三日見閻君。八卦之中定吉凶。萬人頭上逞英雄。


乾宮先出方為吉。坎部原來必然凶。艮上若有三分痘。震上悠悠不用驚。巽上九离十分重。坤宮先報坦然輕。兌上出者吉。中吉吩咐醫人仔細尋。乾宮有黑痘。必主心窩疔。坎宮有黑痘。必主海底疔。艮宮有黑痘。必主丹田疔。震宮有黑痘。必主兩脇疔。巽宮有黑痘。必主尾中疔。离宮有黑痘。必主舌上疔。坤宮有黑痘。必主四肢疔。兌上有黑痘。必主背心疔。今錄神仙真妙訣。千金不奪世人聽。

五善七惡

痘有五善七惡。治者宜熟諳也。何謂五善。一要飲食如常。二要大小便調暢。三要紅活堅實。四要脉靜身涼。手足和煖。五要聲音响亮。動止安寧。五者不能畢具。若得一二。可保終吉。其七惡者。何煩燥。悶亂。譫妄。恍惚。一也。嘔吐。泄瀉。不能飲食。二也。青乾黑陷。痒塌。破爛。三也。鼻塞。目閉。唇裂。四也。寒戰。咬牙。聲啞。色暗。五也。喉舌潰爛。食入則嘔。飲水則噎。六也。腹脹喘促。四肢逆冷。七也。七惡之中。但見一症。即勢不可為。七惡之外。復有渾身血泡。心腹刺疼。伏陷不出。癰疔肉硬。便溺皆血。尋衣撮空。

是又速亡之候也。

手掌疥癬癰疽圖



此痘曾有癰疥在兩手內。後發熱一日半。而出在兩手者。必死。若發熱三日。雖兩大指有如水泡。或掌內有如水泡。或掌內有癰疥。痘在四圍。成一大瘡。必然作痒。早挑即貫膿結痂。而可生。若不挑。或挑而稍遲。其痘必爛。痒不可忍。為害不淺。如見有似水泡者。急挑去其毒水。用葫荑熬水。以絹帕拭乾。再用二妙丹敷之。其手即時不痒。十中可救三四。忌鹽菜醬菜之類。乳母尤宜忌之。或用四物湯加黃芪木香之類。亦可。凡遇此痘。不用煎藥點藥。只用熨法止痒。痘瘡得以升漿而成膿。其皮不



破亦可易靨而結痂矣。

熨法

用鮮葫荑不拘多少。搗爛。熬熱水洗熨之。如痒不止時。再用新磚或瓦一小塊燒熱。入葫荑汁內。乘熱氣以絹布包之。再熨痒處。即止。如痒不止。再用滑石水飛過蜜調敷之。其痒即止。六一散尤妙。

園臍疔圖




此痘發熱一日半即見苗。臍上就有小疔。至五日內。兩乳上必又長出兩個疔來。在臍四外有疔者可治。若臍正中。有大疔。則不可治矣。如面上身上稀少。雖臍內有一疔。亦不害事。急用銀針挑撥之。點二妙丹。其臍內疔起。貫膿。衆痘即時起。此為可治之痘。或發熱二日半。或三日者。俱可調治。面部身上。衆痘若有紫黑色。平陷。癍疔。皆用挑撥之法。則好痘在。痘疔羣內。隱隱發出。狀如小粟米。挑撥之後。即出。切不可一槩視之。身上面部俱緊要。臍窩特關係之重耳。此痘症定然腹響響者。腸鳴。



也。書云。腹響腸鳴。應作瀉。即服木香散。去丁香。官桂。倍加訶子肉。寇。以防其瀉也。如氣虛。特再加黃芪。倍加參。如渴甚。加麥冬。五味子。有嗽有痰者。加貝母。天花粉。桔梗之類。

血絲癍圖



此痘名為血絲癍。蓋疔中之最輕者。小兒發熱二三日。此癍先出。中陷灰紅。團轉有紅絲相牽。把住衆痘。當出不出。當長不長。急用銀針挑之。點二妙丹。好痘即出。此癍亦變為好痘矣。後得易收易靨而無害。使不挑撥。延至四五日。衆痘不出。或腹脹而死。或煩躁不食。飢餓而死。又或至七八日。衆痘不見。貫膿。彼痘腐爛。痛甚而死。者有之。挑撥須在五六日之前。再用四物湯並保元湯。尤妙。煎時少入酒。使其血氣易成膿。人參黃芪托裏助漿。三劑全愈。用水煎時入黃酒少許。尤妙。使藥行胞內。

成膿速而易收。醫後無滯毒之患矣。

人參黃芪托裏升漿飲

人參

黃芪

各五分

當歸

熟地

甘草


各三分

糯米

半升

水一盞薑一片煎五分服

乳便癍圖



此痘發熱三日。周身上面俱有綻點。獨小便頭上。或兩
胞上。有兩個黑眼。陷下些。且小便頭上浮腫。有痘疔。宜
急挑之。此乃致命之地。雖面稀少。身上明淨。惟小便先
有一二枚。亦能致害。如不早挑。至九日十一日。小便先
爛。餘皆潰腐。無跡。縱然有生。亦無人道矣。凡看痘。先看
小便。有否。後方用藥調治之。視之宜早。不可怠肆。如好
痘不起。長用木香散服之。冬月寒冷時。出此痘者。方可
用木香散。夏月暑盛時。此方內去官桂。附子。丁香之類。
寒則不可過用熱藥。熱則不可過用寒藥。溫補平和方。

為妙手。如兩乳上下亦有此疔。照前挑撥點藥即愈矣。

木香散

冬月加官桂附子丁香

各一分

木香

半

陳皮

各一分

人參

各一分

半夏

前胡

腹皮

訶子

肉蔻

各一分

茯苓

二分

甘草

一分

水


一盞

煎

五分

服

怪痘圖



此痘名為怪痘。小兒未熟。此痘見點。衆痘無形。此痘先
出。衆痘未長。此痘先膿。其色黃而滿。其皮薄而易破。三
四日間。急將銀針輕輕刺破。去其膿漿。方好。此痘只發
於面上。兩額上。兩眉上。或人中上。脇上。兩尻上。兩股上。
若不挑破去毒。待他熟破。毒水漫流。衆痘一派皆成薄
皮。至七日八九日發痒。皮破為害不淺。為父母者不識
此斑為害。皆謂痘瘡貫膿。欣喜。悞者常多。宜服保元湯
加當歸木香。此痘若面部稀少。身上灰白黑陷斑疔。身
上稀少。面上尚有數顆光明者。可醫。即兩腿雖多。亦無

